

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Neglectus religionis.

[urn:nbn:de:hbz:466:1-68709](#)

Ethica.

Jam quæ ad vitæ præcepta, & morum informationem pertineant, dispiciamus. I. (a) Causa immissi in Aetoliam vastatoris apri, neglectus fuit religionis, & cultus Diana, illorum temporum superstitione celebratae. Ex religione contempta, ait Mythologus, publicæ continent calamitates, agrorum sterilitas, animalium pestilentia, noxiarum incursus bestiarum, cæteraque mala urbes & provincias pessundantia. Horatius canit Ode 6. lib. 3.

Dij multa neglecti dederunt
Hesperiæ mala luctuosæ.

II. (b) In coniunctione virium, potissimum Græciæ heroum, elegans concordia schema nobis repræsentatur. Quod si viri illi fortissimi, unius rogatu & invitamento Meleagri, consilia, virésque suas contulerint, ad aprum, Calydoniæ regioni infestum exterminandum; quid par est facere Christianos Principes, ad Belluam illam, Turcam intelligo, à finibus suis propulsandam, plerasque partes orbis jam dudum fulmineis dentibus, formidandis exercitibus, ferro, flammâque, terra, mari que vastantem?

III. (c) Meleager avunculos trucidans, pingit ob oculos hominem impotenter abutentem felici victoræ successu. Sic Alexander Macedo, postquam vino & victorijs inebriatus, seipsum nosse desit, levibus de causis amicorum primos sustulit. Neque moderatiū usus est victoria Horatius de Curiatijs tergeminis relata, qui sororem, interitum sponsi, pro muliebri consuetudine plangentem, sua manu interfecit. Omnia sibi licere putant, qui egregio aliquo facinore devinxerunt multitudinem. Contra Sapientes suadent, non insoleendum rebus secundis & in prosperitate metuenda adversa; homini privato non *viribus*, sed *juribus* vindicandas injurias. Sed & Plexippus ac Toxeus præfervido calore impotentiū exarserunt, dum invidiā cum femina certarunt. Quid enim? tulerit munus illud Atalanta; prærogativa fuit non honoris, sed amoris. Et quid poruit minis facere Meleager, si quidem decorum sequi voluit, quam venatrii tam nobili, aprum telo saucianti; molliorem affectum demonstrare? Feminea in laude non minuebatur virorum gloria, & penes victorem erat, quem vellet in communionem honoris ac prædæ admitttere. Multa dantur infirmiori sexui, quæ si quis ipsi invideat, parum se fortem probat, & prudentem. Indulgen-

tia

(a) Neglectus religionis. (b) Concordia Principum. (c) Aemulatio solida.

